

مجله علمی و ادبی

محل مطبعه و اداره :

جفال اوغلندده امنیت

صندوغی جوارنده

شنکول یقوشنده

۲۲ نومبر

اخطار :

مسلکمه موافق آثار

جدیده مع الممنونیه

قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
۶۵	۳۵	۳۵
۶۵	۳۵	۳۵
۱۷	۹	فرانق

عدد : ۱۲۷

۹ صفر پنجشنبه ۲۷ کانون ثانی ۳۲۶

بشنجی جلد

دولت علیه — انکلتره

مفهی بر مأموریت سیاسی : — انکلتزده بر بالقان قومیتہ سی بولندیغنی و بو قومیتہ نك مقدما ما کدونیا ایشلرنده ترکیا علیہندہ پک چوق تشبثانده بولنش اولدیغنی معلومدر .

ترکیاده مشروطیتک، غیر منتظر صورتده تأسیسی اوزرینه ممالک غربیهده عثمانیلره طرفدار پک چوق کیمسهلر میدانده کورونمکه باشلانجه انکلتزدهکی بالقان قومیتہ سی دخی اتحاد و ترقی جمعیتی ایله عقد رابطه دوستی ایلمک مسلکینی اتحاد ایلویورمشیدی .

مع مافیہ بر زماندنبری ممالک غربیه نك بضرلنده ترکیا منافعه مضر نشریاته میدان ویرلیدیکندن اورالرده افکار عامه نك بویله تبدل سریعی اوزرینه بالقان قومیتہ سی دخی ینہ اسکی مسلک معلومه رجوع علائقی کوسترمشدر .

(صراط مستقیم) رساله معتبره سنک کچمش نسخهلرینه مراجعت اولنورسه بالقان قومیتہ سنک بوندن بش آی مقدم لوندرده عقد ایلدیکی اجتماع عمومی سنوی ده اوقونان لایحه سنک مالی ایله ماضی وحالدهکی مسلک صحیحی مشعر تفصیلات مهمه کوریلور . بالقان قومیتہ سنک رئیس پارلامنتو اعضاسندن واصحاب ثروتدن موسیو باکستون بودفعه مأموریت خفیہ سیاسیہ ایله صوفیه واستانبولی زیارت ایچون لوندره نی ترک ایلمشدر .

مومی الیهک مأموریت خفیہ سنک غزته لره ده مبادی ده عکس ایتیمی انک فکر و مسلکته مخالف اولان بعض سیاسیونک تدابیر عاقله سندن اولسه کرکدر .

موسیو باکستون اوتہ دنبری بلغارستانک بیوک بر محبی اولدیغنی کوستره کلدیکنندن حکومت عثمانیه ایله بلغارستان حکومتی اراسنده اختلافی دائمی اولان حالاتک ازاله سی ایچون اجرای نفوذ مقصدیله بورالره کلدیکی ظن ایدیله بیلور ایسه ده پک موثوق بر منبعدن ترشح ایدن معلوماته نظراً بو زیارتک سببی بستیون بشقه در . موسیو باکستون بویله بر سیاسی مأموریتله استانبوله کیتمکی لوندره سفارت سنیه سی مأمورلرندن بر ذات ایله برلکده تصور و ترتیب ایلمشدر .

انکلیز قاینه سی اعضاسندن اولان عموجه زاده سی طرفندن وقوعه کان برتوصیه اوزرینه انکلیز خارجیه نظری سیر (ادوارد غره ی) جنابلری موسیو باکستونک (میسیون پولتیق) یعنی مأموریت سیاسیہ سنی اجرا ایلمسینه خصوصی ونیم رسمی صورتده موافقت کوسترمشدر .

ظاهر حاله باقینجه بو استانبول زیارتی دولت عثمانیه ایله انکلتزه آراسنده تزید مناسبات دوستانه مقصدینه حل اولنه بیلور . بوکی طرق معوجه ایله امور معظمه نك طریق مطلوبده جریان ایده بیله چکی تفکر دقیق اصحابه باطل بولندیغندن و مأموریت سیاسیہ ایشنک تصور و ترتیبده آمال شخصیه ترویجک امور ملییه خدمت مقصدندن زیاده مندج اولدیغنی کوزه جاریدیغندن بو خصوص حقنده مجلس مبعوثان عثمانی اعضاسندن سیاست خارجیه ایله مشغول اولان ذوات کرامک

نظر دقلری حسب الاخلاص جلب اولنور . شوراسی ده علاوه ایدیله . بیلورکه بصره کورفرزینہ ویمنه متعلق حادثاتک ذکرنده انکلیز جرائد مهمه سنک اتحاد ایتدیکی طرز لسانک پکده حسن نیتہ مبتنی اولدیغنی کوریلوب طورور ایکن مسلک سابق سیاسی معلوم اولان بو کنج ذاتک تزید مناسبات دوستانه ضمننده استانبوله کیتمسی اولدجه غریب کورینور . [بالقان]

حقیقت: آناتولی سسلری

هفته ده ایکی دفعه چیقان « اسکی شهر » رفیق محترمز بعدما ۲۵ کانون ثانیدن اعتباراً — « حقیقت: آناتولی سسلری » نامیله هرکون انتشار ایده چکدر . موفقیتنی تمی ایدرز . « حقیقت » مقصدینی شوسوزلره خلاصه ایدیور .

« استانبولک متبسم ورقصان محیطندن دیوشیره چکی تازه و نرمین خیالری ، دیمیر قوللریله آناتولینک کابوسلی ، قوتلی کوشه لرینه سرپه رک شلندیرمکه چالشمق و اوخرا به لردن طوبار لایه بیلدیکی فریادلری ، ایکلتیلری کوتوروب یا تخته سیلکه رک شطارتلره برازده ماتم قائمقدر . بر برینک عینی صابیده لرینه رغماً غیری کیبی داورانان بو ایکی ضدی باریش سیدیر مق باقالم میسر اوله جقمی ؟ تولید ایتدکلی ناله لری کورونجه عجباً نشهلر قاجیه جقمی ! خدمت ایتدکلی نشهلر قار . شیسنده ناله لر آرتیمه جقمی ؟

(حقیقت) یانیق باغیرلردن قوپوب کلن آجی ، آجی (آناتولی سسلری) ایله میدانده بولوندقجه ، اینجه دو یغولی بعض قولاقلری انجیدیرسه معذور کورولمیلدر . زیرا :

« درد آغلایر ، عشق سویله تیر »

زکاتک رونما اعانه ربربره بیدر چکنه رار فتوی عالی . — دونانمای عثمانینک ترقی و تعالیسنه مدار اولمق اوزره زکاتک اعانه اعطاسی جائز اولوب اولیه جفی حقننده دونمای عثمانی معاونت ملیه جمعیتی طرفندن وقوع بولان استفتا اوزرینه زکاتده نیت و فقیره تملیک لازم و مزکی اولان کیمسه نك مالندن زکاتی افراز چیننده نیت ایلمسی کافی اولمغله دونانما جمعیتی طرفندن اعانه قاصه سی باشنده بر فقیر مسلم بولندیله رق مزکیلر جانبندن زکات اولمق نیتله تقریق ایدیلن مبالغ مادون النصاب اوله رق بالطوع اول فقیره تملیک واعطا و فقیر مذکور مالک نصاب اولماق ایچون یدنده جمع وابقا ایتمکسزین اختیار یله همان اعانه قاصه سنه تسلیم ایتمی مقارن جواز شرع عالی اوله جفتدن تزیاد و تعالیسی جدأ درجه لازمه ده بولندیغنی امر غیر منکر اولان دونانمای عثمانیه بو صورتله ده اعانه ده بولنان مسلمین هم فرض ذکاتی ادا ایتمش همده باشقه جه نائل اجر جزیل وشایسته مکافات اخروییه اوله جقلری قنوا خانه عالدین جواباً بیان اولمشدر .